

摘藻堂四庫全書薈要

集部

欽定四庫全書薈要卷一萬五千一百十三

集部

青山集卷二十二

宋 郭祥正 撰

七言律詩

劍

不得公孫一舞看  
空嗟塵漬血痕乾  
鑄成星斗生光焰  
化作龍蛇會屈盤  
金匣藏時天地靜  
玉池磨處雪霜寒  
誰為將相扶明主  
此物能令社稷安

贈裴泰辰先生

匣劍光鋌射斗牛提携天下洗人仇  
英雄心膽老猶在道路風塵行未休  
名重更須完小節義高何足論閒愁  
濛濛細雨陵陽市折取紅梅上酒樓

次韻俞資深承事二首

聯車同入得仙山下瞰重城指掌間  
不憤青春添我老且傾白酒伴君閒  
三年共佐閩中郡一檄誰招海上蠻  
聞說天門新奏樂帝樞佳氣紫回環

春歸漳岸撲晴嵐紫燕黃鸝若縱談自愧不才甘薄祿  
喜逢佳客解羸驂仙山有路終難繼海品論珍昔未諳  
地勝人醇真可樂夢魂無復憶江南

東湖

東湖北潏水相通千里荷花半白紅冷艷可能消酷暑  
暗香時復散清風欲眠別浦無魚艇且倚疎欄學釣翁  
雲起仙庭飛晚雨洒然身世出塵籠

圓山謝雨二首

牲牲報祀入圓山赫赫神功指顧間水滿大田甘雨足  
龍歸深澗宿雲閑樂聲自和松聲奏玉色遙瞻酒色殷  
安得夢魂陪逸駕更傳仙樂落人寰

自挈壺漿款廟門黃蕉丹荔薦清芬沉烟未過盤中篆  
電影已翻江上雲霈澤不惟滋稼穡涼飈仍為掃嵐氛  
圓山信作漳南鎮想戀枇杷玉色醺

和留秀才秋日田舍

物幻非真只自知却尋田舍度衰遲漫為陶令柴桑樂

不學荆軻易水悲  
午睡最能消永日  
一巢長欲寄深枝  
聞君亦有逍遙趣  
可濯滄浪共賦詩

和宣守林子中修撰列岫亭

蘇州方稱白公才  
又見宣城謝守來  
兩處溪山重秀發  
一亭風月助徘徊  
水光颭灩龍鱗活  
岫影參差雁序開  
不用紅裙唱金縷  
只題佳句殷春雷

列岫後題

謝公遺句惜湮沉  
更作新亭一百尋  
宿靄擁山眉斂翠

夕陽浮水帶橫金黃鸝喚友鳴聲軟白鳥窺魚意思深  
看盡物情俱是幻要須携酒數登臨

贈子中修撰

承明厭直下天來聊繼昭亭小謝才珠迸玉盤詩得句  
月騰金浪酒盈盃江城未許民心借京國顚瞻召節回  
試問行年俱乙亥固應憐我困蒿萊

子中修撰疊嶂樓致酒

重山複水碧相連勝地欣逢太守賢欲倒樽壘秋色裏

故邀賓客畫圖邊丹青迴壓王摩詰騷雅仍兼白樂天  
莫戀宣城風物美玉堂提取筆如椽

次韻子中修撰寵贈之什

聲名入洛弟兄傳出擁旌旗老集仙挹月珠璣光射海  
凌秋鵬鶚氣橫天文章落筆元無敵器宇藏春豈有邊  
一見音容聊莞爾却携樽酒共頽然金門曾奏相如賦  
水閣重吟杜牧篇強駕蹇驢追逸驥已知霄壤不相連

次韻子中修撰塔院題竹

不是集仙來詠竹更誰能繼紫微吟

謂小杜也

看隨霜雪終

吾老寄語鋤犁勿見侵欲把一竿垂直釣更須千畝廣  
清陰蕭郎妙筆堪圖寫添入蓬萊第幾岑

子中修撰示書有不得同游水晶宮之歎作唐  
格四韻寄別

西庵吟醉憶君同忽得新詩思愈工下筆捷才如陣馬  
接人和氣似春風敬亭姑孰猶為遠庾嶺端山更幾重  
自歎鷓鴣無健翼追飛不到水晶宮

寄鳳凰山張居士

聞君深隱鳳凰山池水相通竹石間一念報親長不斷  
六經傳子勝空閑青猿摘菓啼無嘯白鳥穿雲去復還  
自愧塵埃行老矣何時載酒伴酡顏

永安戴公純秀才

髣髴鬚髮一衰翁又泊蒼頭阻逆風推去未應如謝令  
重來終是媿司農熙寧父老知誰在元祐田園喜再豐  
置酒高臺要我醉却尋陳跡喜君同

次韻陳思道見送之什

誰聽袁宏夜半吟一時傾蓋便知心疲駑自信難追驥  
秀木從來忌出林巧匠傍觀應縮手明珠所得已盈衿  
嶺頭孤唱思君和着月梅花似縷金

至萬安寄吉守李獻父大夫

江水成文地最奇風流太守更能詩送將臘盡梅花怨  
喚得春回燕子知一餉功勲真夢寐十年名字付傷悲  
盛攜樽酒頻賡唱幕下高才似牧之

將至五羊先寄穎叔修撰

句水分携二十年却臨南海望青天  
元戎未解陳公榻下客慚非孺子賢  
冷艷一枝梅照眼清光五斗酒盈船  
朝廷近日無新事只恐西戎尚擾邊

南雄望遠亭本朝章卽公所作公嘗為郡太守  
種荔子二株今方茂實而後人所種皆不成東  
美要予致酒亭上為賦四韻

城角危亭面面開塵侵丞相舊詩碑  
凌江欲轉鯨魚活

荔子成陰玉樹埋庾嶺乍過無瘴霧長安不見奈愁懷  
且傾濁酒承高論秋水何由辨渚涯

凌江立春日呈黎東美太守

斗杓東指幹春回樂奏昇平助殷雷魚躍元無溪面凍  
雪光散作嶺頭梅主人和氣均千里北客歸懷寄一杯  
色滿皇州三殿喜瓊林先放桂花開

是年龍  
飛榜

韶州武溪亭

唐格

滔滔武溪一何深鳥飛莫渡獸莫臨山色欲學翠鳳舞

笛聲自作蒼龍吟樽罍漫借春力暖鬢髮未免霜華侵  
形容不上凌烟閣馬革裹尸那可尋

六祖南華寺

水轉山來曲曲梯參差樓閣占清輝龍章鳳龕藏天篆  
玉索金鉤賁祖衣春去不知庭柏老月明誰擢釣船歸  
曹溪有路人人到踏斷玄關古亦稀

六祖大湧泉

金鑲一卓透曹溪禪祖心傳上上機流出山腰蒼兕吼

湧開池面碧綃飛應同霖雨能蘇旱莫比滄浪只濯衣  
不願夕陽催我去要隨幽鳥帶雲歸

武溪亭勸顧歸聖朝奉酒

邂逅窮荒遇俊才故將懷抱向君開功名未得金橫帶  
老大音情空驚雪滿腮嶺北嘉蔬無此筍江南相識尚逢  
梅夜闌莫作思鄉夢且聽清歌更一盃

雪夜宿月華寺

唐格

大庾南來山更佳每逢古寺留柴車曹溪衣傳葛獠布

月嶺樹種蘋婆花千年不壞物稀有一日寓賞心無涯  
北人浪說瘴霧惡行擁貂裘衝雪華

補到難篇終別作八句寄吳聖與長官

結客元和六載春探深碧落迹如新寸量秋色三千丈  
名寫嵐光十四人文格迥欺韓愈老字書尤逼小王真  
近來好事誰能及我續遺音君可嗔

廣慶寺

寺當南北二禺間合翠

亭名

全清

閣名

總見山一石尚存垂

釣處五羊時載老仙還  
金流月影真盤谷  
黛潑嵐光小  
劍關安得鵲橋橫  
絕頂下臨河漢瀉  
潺潺

次韻彭教授送別

平生愛着五雲裘  
不愛身為萬戶侯  
白石清泉隨步到  
斷霞殘月滿懷收  
故園已恨荒三徑  
皓首何堪困一州  
邂逅逢君滄海上  
涸鱗終欲借洪流

次韻湛判官送別

一朝傾蓋若忘年  
更把新詩物外傳  
側耳風流還入幕

應憐憔悴未成仙  
離樽漫託春風裡  
短櫂行依瘴海邊  
十斛明珠君不惜  
珊珊投擲滿巴牋

次韻廣幕黃承事見寄二首

不記西亭醉別時  
別來佳句愈瑰奇  
心隨雲影沉天角  
夢逐灘聲到海湄  
滿目青山誰共樂  
何年黃卷得同披  
遙憐嚴武能為帥  
幕下爭傳杜老詩

孤城寂寞瘴嵐州  
虎竹分符強少留  
老鈍不知今世巧  
行藏猶媿古人脩  
漁竿理釣船千丈  
紗帽籠頭茗一甌

無奈北歸忘未得非君求友更誰求

石室後游

七星山色碧離離山下空巖世所稀  
不獨霧深知豹隱有時水長見龍歸  
方牀瑩潔仙人座文石縱橫織女機  
旋剔蒼苔辨陳迹李邕詞翰亦依稀

寄惠守蘇元之

揮金愛士氣尤雄暫擁旌旗碧海東  
十八素娥傾皓月三千佳客倚春風  
高才可惜經綸晚把酒何時笑語同

霜落草枯應射虎短衣匹馬欲隨公

寄題李封州宅生堂

鱗鱗鴛瓦構新堂意在黔烏惠澤長峴首去思聞墮淚  
召南遺愛有甘棠水光送月浮珍席山勢和雲插畫梁  
安得才如張相國為君重賦宅生章

寄題賀州甌山亭

賀州城西丹甌山一亭遙插紫雲間龍墀讓策名猶在  
鶴馭凌風去不還善政再應來瑞物勝遊安得伴酡顏

元戎詞翰鐫金玉千古長如碧澗潺

次韻宜掾徐子美見寄

去年與子別當塗彼此形骸若夢餘  
悵望欲窮千里目  
相思不寄一行書  
青山歸去客身好白眼從來處  
世疎桂水東流須入海  
新詩時復委雙魚

故人李端夫

昂

赴廬州從事石室致酒留別二

首

注地銀潢兩峽開  
雲林水淨不浮灰  
新詩欲與何人論

舊友今從上國來，薄酒謾為仙室飲。  
歸鞍無奈夕陽催，君懷自有驪珠富。  
合浦休將一顆迴。

才如吾子尚區區，羽檄從軍萬里餘。  
白髮可憐歸計晚，青衫只似拜恩初。  
一樽邀客非無酒，十卷隨車幸有書。  
已把窮通推定分，故人達宦任情踈。

留湯主簿小飲

窮荒得見故人稀，話舊還驚歲月飛。  
君有兒孫能力學，我無金穀可言歸。  
靈仙觀裏黃柑熟，采石江頭白蟹肥。

北望何時同此樂暫留行櫂莫相違

送劉光道赴桂幕

氣吐虹蜺髮未皤逢人輒莫歎蹉跎邊隅鋒鏑從今少  
幕下篇章所得多雨洗山光浮碧玉春回江色熨青羅  
元戎早晚歸金闕薦禰應先著述科

九日登北樓示客

九日登高可強歡聽歌莫放玉杯乾黃花爛熳宜新酒  
白髮稀疏落小冠桂水波光趨海急峽山嵐翠帶雲寒

故鄉萬里知何處更凭朱欄向北看

次韻宜掾徐子美見寄

忽逢便翼寄新章不惜明珠滿斛量  
姑孰萬家花映竹丹湖千頃月如霜  
結廬已許陪吟社衣錦應須返故鄉  
底事却言歸未得夢魂猶欲泛滄浪

次韻陳文思見寄

星灣高會豈能忘萬丈離愁寸寸量  
東閣賦梅攄錦繡南山射虎凜冰霜  
功名未得封千戶耕鑿何由共一鄉

春蕨秋鱸味偏美時聽社鼓醉淋浪

寄題羅池廟

種柳江邊不得歸歿將靈魄寓羅池名參韓子猶為幸  
黨入王生最可悲簾卷瘴雲燈斷續門荒秋雨菊離披  
早穰請禱年年事瓦鼓巫歌奠一卮

送穎叔待制拜六路都運之命

朝聞紫詔下龍樓夕卷紅旌別海陬六路理財煩侍從

一門傳節繼風流

希魯公嘗以  
待制領發運

詩如老杜猶為達策似

劉蕢稍見收廊廟乏材終大用願均和氣及巖幽

予已乞骸

將歸

舊廬

次韻林辨之長官送別之什

十年相識跡非疎今日江亭嘆別車牢落名聲讒謗後  
支離形影瘴氛餘重來仕路誰為援却返家園欲自如  
煙浪一舟無長物罷官只似到官初

謝洪府黃安中尚書惠雙泉二首

北風遮莫阻歸舟公有雙泉慰客愁玉斗貯來雲尚凍

金蕉傾處蟻爭浮  
黃花遙想東籬畔  
白浪正翻南浦頭  
醉魄忽成蝴蝶夢  
却尋春色到皇州

北風變冷水歸濡  
南浦扁舟未得行  
孤雁叫雲詩膽碎  
怒濤春岸客魂驚  
誰陪高論應懸榻  
想有雄詞欲鱣鯨  
病骨支離難強起  
尚蒙樽酒慰餘生

青山集卷二十二

欽定四庫全書薈要卷一萬五千一百十四

集部

青山集卷二十三

宋 郭祥正 撰

七言律詩

次韻黎東美江上偶作

帝庭江國屢相逢，不覺霜毛歲月空。  
君奏課書雙闕下，我携輪釣五湖東。  
論歸學海方無迹，吟到詩壇始有功。  
一任北風翻地起，且圖樽酒暫時同。

吉州仙都觀覽前守李獻父留題

乍出鋒鋦贛石來仙都忽見五雲開霓幡閃閃排真馭  
珠網重重覆絳臺照水碧蓮猶未變遶壇紅杏亦新栽  
劉郎去後誰行樂壁上龍蛇半紫苔

貴池寺照遠軒

碧瓦周遭映佛幢更窮眼界敞軒窗山光半擁初生日  
天影寬圍不盡江詩思未容秋色亂酒熏能使客愁降  
陶潛肯憶東籬菊且倚欄杆倒一缸

追和梅侍讀題貴池寺元韻

寺插孤峯壓貴池  
幽軒占勝敞雙扉  
陰生廣野千山失  
影落空江一雁歸  
安得有緣陪社客  
更尋何處息塵機  
南來北去無時盡  
誰念滄浪可濯衣

寄題呂得中先墳懷先亭

亭壓全閩近塚丘  
四時營祀想神游  
毫添玉兔新成史  
德合銀潢不盡流  
翼翼棟梁橫蜃澤  
林林松檟冒霜秋  
榮名已往餘陰隲  
定有兒孫萬戶侯

送魏汝大宣德

唐格

隔江為宰便庭幃歸去青霄結主知  
租賦寬平民共樂  
文書清簡吏常饑  
始終不變溫如玉  
離別相憐醉似泥  
上國故人應問我  
為言耕釣老明時

寄致政蘓子平大夫

十年想見蘇夫子  
聞說腰金便棄官  
雲在皖山峯上住  
龍歸潛水窟中蟠  
已無塵坌心休洗  
更有春醪盞不乾  
我亦江南專一壑  
憶君相伴把漁竿

送葉聖叅守九江郡

湓浦夜濤聲動地香爐晴影碧連天樓中不負庾公賞  
席上誰為陶令賢且擁旌旗飛畫鷁行聞臺閣選青錢  
班春過我舊游處門巷桃花應寂然

送琳長老再游浙東

姑溪不是留君地雪竇天台更一游玉浪濺雲泉尾活  
金盤擎海月華秋將心與客無痕迹問疾何人敢對酬  
我把釣竿相憶處蓼花紅影上絲頭

姜希哲四照軒送別

幽軒邀客每凭欄景物蕭然世味閑  
翠碧濕煙山匝匝光明隨夜月回環  
一盃濁酒超塵外幾首新詩寄壁間  
不得從容與君語片帆却欲趁風還

胡與幾被召訪別

已喜乘輶歸玉闕尚能騎馬過柴門  
離魂有底銷千丈殘日無多寄一樽  
得路看君終直節閉關唯我守空言  
霜風素髮頻欹帽淚對桓伊不可捫

再游浮山呈朴禪老

當年尋勝已忘還，乘興重來倍覺閑。  
赤脚敬瞻新寶藏，白髯羞對舊青山。  
禪翁昔授嶺頭衲，狂客今探樹穴環。  
行把生涯付妻子，幻身長寄一宮間。

寄題潘溫叟林堂

有堂歸去客身好，天上人間已遍游。  
遠害可能超華左，忘情却欲繼雷劉。  
松臺風送晴空雨，荷沼雲生畫卷秋。  
浩氣本來緣直養，百年等是寄浮漚。

和倪敦復觀梅三首

聞說觀梅借燭光  
今宵為我更開觴  
月來枝上冰生艷  
風過梢頭玉有香  
羌笛幾聲傳舊曲  
菱花一夜照繁粧  
坐中老杜凌何遜  
索酒題詩思欲狂

江月江梅鬪冷光  
就梅臨月舉瑤觴  
素娥未許風搖影  
青帝寧容蝶採香  
迢遞一聲羌笛怨  
輕盈千點玉人粧  
出塵標格情多少  
東閣曾令杜甫狂

月壓江梅似雪光  
使君要我共飛觴  
不饒桂樹輪中影

獨占霜娥鑑裏香  
信報春來先衆卉  
恨隨人去入殘粧  
孔融愛客君能似  
席上應容處士狂

又同賞落梅二首

江梅千片惜離披  
更向風前把一卮  
冷艷不辭今日舞  
清香還是隔年期  
客經易水忘歸處  
雲倚巫山欲散時  
安得不吟仍不飲  
滿頭華髮擬何為

誰惜東園玉樹空  
且携樽酒與君同  
盈盈素艷辭寒夢  
浥浥餘香散晚風  
已許冰霜分我瑩  
儘饒桃杏向人紅

能詩自有倪夫子何必滁陽覓醉翁

題方處士卷尾

子陵獨往已千年處士重來把一竿治亂不同非我計  
文章聊許後人看璞中美玉誰雕琢潭底神龍會屈盤  
七世有孫方遇主風流長在瀉驚湍

題謝氏雙溪閣

謝家山下雙溪閣水遠山深夏亦涼霜練兩條初合影  
菱花一鑑瀉餘光樽壘日日邀賓客倉廩年年富稻粱

更約諸孫勤學問桂科將見綠衣郎

重陽懷歷陽孫公素太守

重陽應與客登臨隔水無緣預盃簪濁氣撥醅初泛蟻  
佳人纖手關按金南來縱有鷄山賞北望頻興魏闕心  
安得快風吹我去勇提椽筆伴君吟

公素送酒見及復次前韻和答

參別城東秋未深相思白髮已盈簪遠分酒味須顏玉  
正是秋香欲散金潤澤生民公有志浮沉末路我無心

扁舟明發穿南斗聊學滄浪漁父吟

送賈明叔侍御守宣

直節忠言久不聞堂堂今見賈生孫  
老姦去位朝廷正聖母憐才德業尊  
句水曉光塵不染敬山秋色玉無痕  
北樓把酒頻邀客紫詔傳呼下國門

次韻昭掾徐子美見寄二首

居巷雖窮愧彼顏門無車馬任苔斑  
永將合沼光容淨鳥不窺魚意思閑  
蹤跡踈來唯夢往音郵漫去得詩還

浮生七十今六十早晚歸飛尋舊山

侵侵白髮改朱顏不比當年鬢始斑  
五斗可憐須苟祿一巖猶喜早偷閑  
黃花籬下千枝秀紫雁雲中幾度還  
萬里未歸歸便得昭州何似謝家山

題金陵白鷺亭呈府公安中尚書二首

青城突兀與雲連誰作高亭落日邊  
六代衣冠歸寂寞一番羅綺自華鮮  
低徊斗柄斟秋水飛舞蘆花欲雪天  
直上煙霄無尺五欲要王母對賓筵

西望長安路幾千  
此亭更在賞心邊  
黃蘆正耐風霜老  
白鷺相將羽翼鮮  
城竦鰲身山匝地  
舟排筍柱水連天  
龍吟一曲斜陽下  
況是使君開別筵

次韻安中尚書鍾阜軒

鍾山鱗鬣奮晴雷  
觀裏幽軒選勝開  
江水北流朝海去  
斗杓東轉幹春回  
已將白雪傳龍笛  
何用黃金築隗臺  
寶塔中天掛刀尺  
層層鴛瓦不浮灰

送錢朝請還臺

銓選相逢弱冠前，竹符分得各皤然。  
開樽且喜君尤健，問舍應輸我最先。  
北上有心思報國，南來無物載歸船。  
永清世澤源流大，須享人間五福全。

蕪陰北寺檜軒

青幢碧蓋儼天成，濕翠濛濛滴畫楹。  
禪客自陪千歲老，游人時把一樽傾。  
恥隨桃李春風艷，奪盡松篁夜氣清。  
安得鬼仙提巨筆，不容左紐獨傳名。

明叔致酒疊嶂樓

陵陽峯頂敞闌干，三伏登臨冰骨寒。  
山卷宿雲開紫府，水和明月瀉金湍。  
謝公風味君能似，李白篇章我到難。  
幸有玉舩騰酒浪，欲乘醉興効鸚搏。

次韻鄒幾聖舟次蕪江見寄

東風冉冉送年華，末路浮沉豈足嗟。  
身着朱衣行直道，手披黃卷悟空花。  
世塵擾擾元無實，客宦悠悠沒有涯。  
尚喜甘棠遺愛在，畫舩先許過漁家。

寄題歷陽王純甫新作連雲觀二首

久持使節別堯天故起朱樓北斗邊  
勢壓江淮盤地厚影分吳楚與雲連  
一聲奏笛龍蛇曉八法書牌劍戟懸  
更借湓城庾家月芟除桂樹照樽前

聞道連雲絕世無急飛輕櫂看規模  
簾鉤低掛半輪月江岸平分千里圖  
颭颭金船流玉液森森珠履踏冰壺  
高材自是明堂柱試作斯樓雄楚都

送黃奉議知白州前宰清遠

看君新作海邊樓氣象雄無四五州  
把筆共題紅粉壁

開樽仍泛玉蟾秋喜分符竹行千里莫羨漁蓑退一丘  
此別定為生死隔雪霜霑盡暮年頭

次韻朱世昌察院登鍾山

盤龍首尾壓西東寶塔稜層位正中萬古林泉流王氣  
六朝冠蓋入悲風煙生城郭塵昏盡月滿沙汀雪映空  
回首臨川埋骨處後來經緯付諸公

次韻答光守楊公濟見寄

一別成都楊子雲夢魂飛斷每沾巾金門賦奏龍蛇曉

原廟詩成錦繡春  
顧我漫為長醉客  
非君誰是廣騷人  
榮分符竹歸無路  
盛送佳篇慰病身

病中先寄慎宰閭公達承議

松檟相望孰俊名  
高才暫屈浚蒲城  
公庭寂寂無留訟  
四野熙熙有讓耕  
未作鹽梅調鼎鼎  
且鏗金玉直蓬瀛  
病骸尚阻趨東閣  
懷抱思君為一傾

陪朱行中龍圖飲澄惠院二首

寒烟淡日滿滄洲  
臺榭相通一徑幽  
志欲吞吳嗟隔水

力能成魏密藏舟紙窗趁曉開黃卷蒲葉含春付白鷗  
千載廢興何可問一樽濁酒更遲留

島嶼回環水遶堤碧蘆青荇密相依凌風戰艦知何處  
落日遊人尚未歸細細佛香時入坐雙雙沙鳥靜忘機  
使君自是蓬萊客倚遍欄干戀翠微

再見吳淵卿長官時年八十一

十七年前載酒過重來攜手喜如何壽齊八十君方健  
思及妻兒我已多對檻殘花猶可賞隔簾小妓且頻歌

人間事了無憂患頭上光陰任擲梭

淵卿席上和李天貺四韻時與鍾離中散并予  
共四人

悠悠歲月走驚湍四十三時便棄官坐上得陪諸老醉  
樽前須盡一生歡花含餘恨春將去綦筭成功局未殘  
欲向金城傳盛事新詩聊代畫圖看

次韻行中龍圖游後浦六首

密竹疎松闢老蒼驚飛白鳥不成雙樓船飄忽隨朝電

佛炬青熒徹夜窗携酒且來尋島嶼投竿那用憶湖江  
君看雨過鋪晴練得句須令小謝降

每欲收吳勢未任遶城鑿浦亦堪尋不知戰罷樓船散  
空見春歸荇菜深一坐清風吹往事四筵白酒洗煩襟  
公提椽筆詩無敵未必張遼善醉吟

細柳高松綠映蒼深沉臺榭晚生涼沙邊宿鷺昏昏白  
草際流螢點點光投網舟移牽碧荇採蓮人去濕紅裳  
欲追逸調嗟何及雨入盃盤歸興忙

巨鎮還須濟世才要賓覽古笑談開蜀山迥出千螺秀  
肥水長縈一帶迴猶有金城藏後浦不唯銅雀起高臺  
異時爭戰歸何處秋雁年年去復來

錦櫂飛飛畫舫迎焚香夾道看雙旌佳賓談笑民同樂  
善政循良鳥不驚花鳥可憐春自媚柳洲遙覺月微明  
使君一飲詩千句擲地渾如金玉聲

冠帶淮西第一州揚鞭得從使君游木魚聲斷東臺曉  
水荇香傳後浦秋雙脊自磨銅雀瓦密雲時泛建溪甌

才清思健知無敵且與衰殘作廕麻

次韻行中龍圖思宣城

公愛宣城心不休當年應

一作思

夢似崔侯兩條溪水橫

穿市十里昭山半在州小杜一時誇俊逸玄暉千載擅  
風流青瑣舊物雖勤請金馬新恩定再留

寄題玉筍觀兼簡道正求逐馬草草名逐馬謂  
服之久則可以行逐良馬

仙梁飛去有遺壇融結工夫玉未乾一片碧烟鸞舞破

數枝紅藥鹿銜殘雨經梅澗芝田熟路入蕭家月屋寒  
晚景自怜行六十欲求逐馬問黃冠

青山集卷二十三

欽定四庫全書薈要卷一萬五千一百十五

集部

青山集卷二十四

宋 郭祥正 撰

七言律詩

端門肆赦

藹藹端門紫氣濃  
卷簾蘭麝散和風  
星環帝座天澄碧  
織映龍顏日透紅  
寶扇參差移仗裏  
金鷄綽約下雲中  
恩覃草木先春力  
萬歲歡聲闔國同

王平甫下第南歸

一番黃紙集羣材  
南國儒英起草萊  
至寶不逢知己鑒  
束書重見下天來  
壯心肯向明時屈  
孤憤須臨濁酒開  
許有新詩令我聽  
夜堂還使鬼神哀

贈歷溪張居士

七十人稀九十翁  
數椽寒屋歷溪東  
俯窺聲利非吾事  
自得逍遙與古同  
三疊琴心調夜月  
一盃茗酌送春風  
趨庭有子明詩禮  
善澤源源未可窮

題濮陽氏新閣

宅据中洲四望寬  
隔江山勢舞青鸞  
岩崑更起千尋閣  
汗漫平吞萬里湍  
傳業有兒須折桂  
開樽留客共彈冠  
雪消冰泮春將暖  
魏闕遙瞻獨倚欄

代先書奉迎廬帥元輿待制

倦提椽筆壓承明  
帝與兵符帥十城  
簫鼓裂雲迎五馬  
山川收雨引雙旌  
藏舟浦暖魚頻躍  
教弩臺空雁不驚  
入境觀風先可喜  
秋田高下熟香秔

許氏樂隱亭

曲水浮基竹遶簷月華初度晚涼添羽觴灩灩荷敷綠  
象箸森森笋迸尖白眼傲時饒阮藉素琴調曲慕陶潛  
城居樂隱能如此中散風流兄弟兼

重題嚴伯成秀才西齋喜其子高預鄉薦

賦似相如不遇知喜聞鄉版薦麟兒容身安穩書盈篋  
與客翺翔酒滿卮夜月影搖楊柳徑秋風香散菊花籬  
竇家千載傳遺美一樹靈椿桂五枝

劉交侍禁書報王君安

鐸

改官監懷州武德鎮

以詩喜之

自得劉郎音信通  
遂聞增秩喜無窮  
江東子弟誰怜我  
洛下文章只有公  
形影蕭條千里外  
交游零落百年中

韓滕鄭李并予與君安  
皆皇祐中京國密友

何當老境重相遇  
不話風流話

苦空

雪中招徐子美秘校飲二首

冰漸合硯漫書空  
密雪飄餘曉色通  
萬里雲光同浩蕩

四邊山色隔溟濛  
明明月窟迷驚兔  
陣陣桑林叫朔風  
不惜金龜將貰酒  
欲招南郭苦寒翁

霏霏皓雪翳長空  
南郭緣何有徑通  
訪戴船歸清興逸  
姓袁人卧冷光濛  
欲傾樽俎延高蓋  
忽得篇章邁古風  
四十年前除夜樂  
如今相對兩衰翁

使君梁奉議送客至高明軒為予言登覽之勝  
作四韻戲寄

使君送客陟高臺  
天宇澄清四望開  
一字橫空霜雁去

兩眉分碧楚江來，廟堂孰是調羹手。  
郡國猶淹濟世才，新酒正香鱸蟹美。  
籃輿何日許重陪。

次韻徐子美見懷兼簡湯君材

濶別天涯每愴然，相思只欲學飛仙。  
君承交辟專民事，我慕高風謝世緣。  
南郭不辭三徑遠，子美家在東山長與

五雲連

君材家在東山

會須載酒勤相過，齒髮蕭條各暮年。

將至壽州先寄知府龍圖三首

感公招我欲論詩，故歲新年頗後期。  
冰塞大江舟渡晚，

雪迷官道馬行遲  
深深畫戟雙開處  
淺淺梅花半綻時  
北闕除書應已到  
願陪祖帳捧瓊卮

短帽輕衫信馬蹄  
只愁吟社爽襟期  
曉回谷口禽聲軟  
寒東梅梢春思遲  
幸挹清標憐野逸  
肯將孤憤累明時  
聽公高論何由盡  
應比醍醐灌漏卮

采石江邊寂寞歸  
壽陽重到信前期  
聞韶忘味寧非美  
傾蓋論交已恨遲  
白鳳文章元出衆  
青雲岐路合逢時  
杏花正怯清明雨  
強欲留連更一卮

置酒壽陽樓呈主公龍圖二首

珠履繽紛宴壽陽  
欄干橫出白雲傍  
清淮倒影長  
橋活  
古壘無春峽  
石荒小艇鬪垂凹  
鼻釣佳人猶學曉梅粧  
使君筆力今誰敵  
麗句須盈古錦囊

置酒南樓瞰夕陽  
逶迤淮影轉  
城傍畫殘數幅山川舊  
棊散一枰洲渚荒  
細柳倚風相並舞  
飛梅着地不成粧  
坐中佳句誰先就  
我欲窺公倒智囊

置酒西樓呈主公龍圖

新樓與客一凭欄眼界方驚阿堵寬峽石與天開玉壘  
清淮浮日洗金丸少陵才力吟非易摩詰工夫畫亦難  
向晚西風吹坐急欲憑鴻鵠借脩翰

置酒思禹亭呈主公龍圖

小亭危瞰二峯尖禹迹千年氣象炎浪濺日華金沸鼎  
雲收山色鏡開奩持杯選勝吟誰敵與客忘形德愈謙  
淺量為公甘醉倒扶頭准擬病厭厭

別行中龍圖

要登畫戟發江南千里春泥倦亦甘力探禹工觀駭浪  
却尋佛迹宴園庵欲陳舊學羞茅塞喜聽新詩縱酒酣  
歸去憶公勞夢想冷猿幽鳥語相參

送廬倅趙習之朝奉還臺

洛陽名譽弟兄兼霧拂青天幸一瞻善政及瓜民惜去  
美材如玉士稱淹風搖洲浪應須避馬濺春泥不用嫌  
公捨舟登陸以避巢湖之險聞說朝廷圖舊德姓名交奏動宸嚴

聞宣州王左丞被召還闕擬送

熙寧治蹟儼如新聖主今朝用舊臣  
松冒秋霜方見節玉經爐炭始知真  
具瞻重喜周公入論道誰先孟子醇  
試作雲霖蘇旱暵西江猶有未來人

送王左丞移鎮金陵

千艘飛櫓入淮灣竹馬爭迎舊帥還  
牛酒未頒諸邑下旌旗先謁兩山間  
武侯暫擁元戎節裴度須歸上宰班  
精義入神遺像在載瞻堂廡淚重潛

題使君梁正叔浩然堂

養浩思深孟氏醇一堂窗戶更清新篆香未過日停午  
蟻酒初浮鶯弄春枉尺直尋非我欲仁民愛物任吾真  
三年課績書優最此地誰來繼後塵

原武按堤

隄防興作幾時休自笑羸驂不少留身與春風來鄭國  
心隨汴水到揚州無功便合歸耕去有命寧煩枉道求  
白日西沉更回首問人何處是重樓

峽山飛來寺

寺當南北二禺間合翠全清總見山一石尚存垂釣處  
五羊時載老仙還泉流月影真盤谷黛潏嵐光小劍關  
安得鵲橋橫絕頂下臨河漢瀉潺潺

赭山滴翠軒

軒在當塗  
縣廣濟院


青幢碧蓋儼天成濕翠濛濛滴畫楹禪客自陪千歲老  
游人時把一樽傾恥隨桃李春風艷奪盡松篁夜氣清  
安得鬼仙提巨筆不容左紐獨傳名

追和李白登金陵鳳凰臺二首

采鳳何年此地游  
高臺千古自風流  
寒烟淡淡籠城郭  
寶器時時出塚丘  
舳艫競歸芳草渡  
鷺鷥羣舞碧蘆洲  
重華不返簫韶斷  
落日秦淮添客愁

高臺不見鳳凰游  
望望青天入海流  
舞罷翠娥同去國  
戰殘白骨尚盈丘  
風搖落日催行櫂  
潮卷新沙換故洲  
結綺臨春無覓處  
年年芳草向人愁

青山集卷二十四



總校官進士臣胡榮

校對官編修臣裴謙

謄錄監生臣范栩

欽定四庫全書薈要

集部

青山集卷二十七

五至

詳校官助教臣常循



欽定四庫全書薈要卷一萬五千一百十六

集部

青山集卷二十五

宋 郭祥正 撰

五言絕句上

月

安得妙畫師畫取明月夜將期月暗時展向松窗下

廣陶淵明四時

春水滿四澤原田高下耕熙熙隨老農志匪牽芳英

夏雲多奇峰高低千萬重巫山何處是神女竟難逢  
秋月揚明輝太空碧無滓鴻鵠正翱翔燕雀方棲止  
冬嶺秀孤松雪霜任飄泊悲含太古風清立九霄鶴  
定林洗心軒

翼翼粉牆斷修修綠徑深師心不用洗聊用洗人心  
簡寂碧溪亭

山光與溪色一碧瀉雲中倚檻久未去更聽松上風  
看潮亭

縹緲孤亭出深沉一徑開須當踏雨去且欲看潮來

西崑寺六題

歸雲崑

春田雨既足幽崑雲自歸歸雲無覓處不共鶴爭飛

愛日崑

古剎盤深塢幽崑傍徑開三冬藏暖氣留客待春回

看泉臺

溪源深幾里絕壁瀉驚湍欲識下山處請君臺上看

定心塔

一塔倚雲根他山面面新不須驚嶮絕自有定心人

小瀑布

石架千層險泉飛百尺高能蘇旱田穀何用作波濤

雪臺

一壑飛晴瀑雙崖控蟄龍欲知臺上雪六月是三冬

送孔掾

別酒莫辭醉離歌難重論一枝新綻柳和雨泣黃昏

吳子正召飲觀太白墨迹

不自烟霄謫世間無此人心聲與心畫開卷見天真  
寄漳州詩僧緣進

一彈弦一絕思君腸百結雁過無書來立盡松間月  
四月十九日自詠

落魄老道士遙憶謝公山眠雲生盤石盡日聽潺潺  
雪中同宋正卿訪太守筠虛庵觀竹

偶陪天上人來訪雪中竹却笑陶淵明孜孜愛黃菊

玉井

淵淵玉井水碧淨覺春歸不為洗紅粉邀郎濯錦衣

酬陳糾

黃花空爛熳兵厨不送酒吾欲挽明河夜半斟北斗

即席送崔奉議赴闕三首

駐馬惜分手臨風開一觴君趨紫金闕我戀白雲鄉  
明主幸兩學上清儲百祥恭觀希世事歸信借餘光  
一尺江南信聊憑健翼飛吾兒如問我衰病要兒歸

病中對月

一病三旬久，脾衰秋氣侵。  
誰憐形影瘦，猶喜月相尋。

小池白鷺

白鷺白如銀，窺魚意思馴。  
此中無彈弋，莫厭往來頻。

憶別

佳人萬里別，一念腸千結。  
何處望書來，天南雁飛絕。

南豐道中六言

前溪淡淡，日落後山。  
靄靄雲歸，桃花不知。  
客恨一片，飛

上征衣

和楊公濟錢塘西湖百題

湖堂

宴啓簪纓集堂開錦繡重舞娥臨短岸天影襯芙蓉

湧金池

衆沼皆涵碧斯池獨湧金寶光中夜見不是月華深

柳洲

春光湖水滿春色柳洲深莫作風中線條條繫客心

新徑

使君開小徑斜遶碧城隈只欲通花縣春風幾度來

看經樓

樓下水連天樓居即水仙何須把黃卷極目盡紅蓮

白公石函

開函測深淺啓閉以時均欲識白公惠堂堂勒翠珉

秦王纜船石

秦王昔觀海此石繫樓船錦纜已無迹蒼苔昏野烟

十三間樓

危樓插湖脚紺碧十三間待月客無寐看山僧自閒

水仙廟

丹青嚴像貌藻荇薦盃盤月掩廟門靜龍蛇驚夜寒

寶叔塔

寶叔存遺塔影搖湖水光層層仙露濕苔蘚自生香

巾子山

嵯峨插天頂寒翠灑湖光吟客搖舫子猶疑漉酒香

寶雲庵

有客學無心庵雲結寶陰松風深夜起時作老龍吟

林和靖橋

不作市朝客甘為漁釣翁柴門危徑斷猶喜一橋通

巢居閣

小閣臨僧塢容身慕鶴巢乾坤隨俯仰君相不容交

白公竹閣

竹閣公所愛延僧酌夜茶漁歌天外起何似聽琵琶

孤山

塵寰千嶂合月窟一峰孤欲識僧歸處飄然入寶珠

辟支塔

崔嵬辟支塔舒卷半腰雲知是藏真骨靈光玉色紛

陳朝檜

歲老枝葉簡春深香氣新可憐湖上檜曾識井中人

贊寧僧錄房

有道歸真主無心戀舊房一燈長不滅分付水雲鄉

金沙井

泉脈應通海沙痕漾細金成仙吾未必一酌洗煩心

礪礪坡

坡頂夜光發人來雨後尋山祇元愜寶君莫起貪心

陶器墳

陶器為棺槨中庸孰可名一丘春草色兩樹野松聲

夜講亭

往矣中庸子亭標夜講名我來何所得襟袖水風清

閑泉

人去泉長在人忙泉自閑不供魚鳥飲只是照青山

高僧塔

高僧何代僧葬骨兩三層不遣白雲護游人取次登

西村

遠近皆僧刹西村八九家得魚無賣處沽酒入蘆花

松門

沿湖九里松行客憶袁公不識炎天熱門深太古風

合澗橋

兩澗飛來處雲深合一橋更無岐路別從此入煙霄

玉女崑

投壺非有術掣電亦無心月下與誰語雲來自布陰

靈隱浦

有靈何所隱深浦老蒹葭漁父一舟泊却疑秋漢槎

方外門

方外元無地空中忽有門請君從此入輒莫羨桃源

北高峯

翠出諸峯上湖邊正北看夜深雲霧散獨掛斗杓寒

錢源

至寶豈無源源深人姓錢直須朝海去餘派保千年

呼猿洞

隔澗白猿子呼來驗是真一從滄海別啼嘯不知春

白雲峯

湖上峯爭碧此峯藏白雲雲光連月色鷗鷺亦迷羣

袁公亭

民樂袁公惠開亭古道邊能將九里碧長與萬人傳

九師堂

爾學古五子緣何繪九師一堂風月淡日用少人知

朱野

梁國衰微後徵君隱逸時至今風味在試聽野猿悲

葛塢

二葛繼成仙猶存鍊丹處有時化鶴來徘徊不知去

石橋

橋下無懸瀑橋邊多綠苔跨空纔一丈何處特飛來

朱崖

彤霞貫來久赤石異諸崖月照夜光發風生雲霧埋

青壁檻

仙家青壁檻未見靈花發我欲提碧壺來斯挹明月

渦渚東嶼

小嶼春歸後青蒲渦渚東日高魚鳥散烟淡一林風



青山集卷二十五

欽定四庫全書薈要卷一萬五千一百十七

集部

青山集卷二十六

宋 郭祥正 撰

五言絕句下

許先生書堂

丹井光長在空堂貌亦存  
隣僧深夜磬時復與招魂

石門澗

啓閉何人見湍流一澗分  
仙家無路入空鑱石樓雲

卧龍石

龍卧蒼山下豈知今古春不憂雷雨作頭角本非真

連嵒棧

鳥道出雲巔雲深春更鮮游人莫嗟險一棧與嵒連

伏龍灘

潭心有伏龍急溜和雲濺頭角何時成願借風雲便

西菴

蘇州契嵩  
禪師舊栖

釋子能儒言迥出惠遠上庵中閱遺編光焰高萬丈

楓樹林

一塢藏深林楓葉翻蜀錦寄語別家人路遙霜霰凜

卧犀泉

有角翻害身沉泉避刀剗故依金地慈非憚滄溟遠

青林崙

青帝留行迹崙前春不歸儘從霜與雪君看碧依依

醴泉

大厯  
中出

不為太平出胡為名醴泉兵戈方滿眼聊以慰凶年

西塢漾

漫漫西塢漾青出秀菰蒲源淺不通海光寒稍映湖

白沙泉

幽泉出白沙流傍野僧家欲試甘香味須烹石鼎茶

楊梅石門

顥顥龍睛赤深深映石門自怜非荔子不得薦堯閭

西溪

西溪在湖外一派濯殘陽游子託魚艇却愁歸路長

見山亭

游子一凭欄  
遍看湖上山  
不須飛瀉去  
已在畫屏間

神尼塔

神尼鑿一塔  
杳在碧雲端  
舍利夜光現  
君須正眼觀

韜光庵

逢人寂無語  
結草自棲禪  
但見嵒花笑  
龐眉不記年

香林洞

幽香來近遠  
此洞接蟾宮  
欲借飛翰去  
聊乘桂子風

天竺峰

誰從天竺國分得一峰來  
占盡湖山秀最宜煙雨開

鍊丹井

欲息丹中火須沈井底泉  
何如栽杏實亦解上青天

香桂林

根託山中地香分月裏秋  
游人莫攀折風散一畛幽

重榮檜

人老不重少檜枯還復榮  
何時逢匠石今日棟樑成

龍泓洞

洞口無凡木陰森夏亦寒誰知一泓水曾有老龍蟠  
理公嵒

晉代胡僧理開山第一人欲尋嵒下迹猿鳥送餘春  
客兒亭

翻經人已去誰為立幽亭一望野雲白半藏山骨青

石蓮華峰

亭亭碧蓮華何年化為石越女莫驚猜嵒猿自相識

翻經臺

盥手天池水熏毫海渚香翻成多少帙臺石尚輝光

葛仙丹竈

丹成竈猶在夜氣接湖雲仙路何由問刀圭幸見分

稽留峰

孤峯出天外客到亦稽留不覺月華晚澗猿啼更愁

流盃亭

斲石引溪水盃行自勸人試聽林下鳥啼血不留春

望海閣

客望海中日窗開物外山天形垂欲盡飛鳥不知還

東岡塔

岑堵藏真骨東岡氣像殊烟雲掃不盡苔蘚一痕無

西嶺草堂

應識游塵世湖邊一草堂松聲半夜雨花氣四時香

葛公石徑

誰來躡高步幽徑已荒涼落葉無人掃哀猿空斷腸

靈石山

靈石山前路山深寺更深不知明月去空惜白雲沉

靈石西庵

欲問庵中事人馴虎亦馴楊梅幾番熟誰為惜餘春

南高峰

岌岌穿南斗層層瞰下方揭為湖海鎮半夜掛朝陽

暗竹園

篁竹無人洗烟雲暗不開網羅無入處豺豹莫驚猜

夏珠泉

入夏泉嘗溢光跳萬斛珠世人收得去此景已應無

烟霞洞

玉像存深洞烟霞分外多焚香千騎入猿鳥不經過

大慈塢

十刹密相望林開一塢香木魚聲漸急山衲下雲房

虎跑泉

未見虎跑跡窺泉試一吟遺珠僧不取密行助泉深

翠樾堂

深堂待游客老木競留春花發多臨水雲間始見人

陟崖門

陟彼崖上門門深路還絕香草遞仙風怪林藏古雪

步月徑

一步復一步月華黏屐齒不知山徑深疑到蟾宮裏

夏涼泉

六月想冰雪此泉清且深相如方病渴植杖故來尋

清隱閣

閣近山中寺誰為清隱人移文招不得騎馬入紅塵

樵歌嶺

嶺下聽樵歌歌聲雲外過儘窮斤斧力不道得樵多

華嚴塔

講盡華嚴偈攝衣辭世塵泉淙死前語玉凝去聲塔中身

映發亭

吳越江分斷山光還映發白鳥東飛來應隨渡江月

楊梅塢

紅實綴青枝爛熳照前塢不及杏繁時林間有仙虎

修竹軒

不作笙簫用開花待鳳凰陰陰一軒裡誰識阮生狂

南屏山

真山返如假疊徑入雲屏不借湖光洗朝朝潑黛青

長橋

橋短故名長路穿雲水鄉游人欲歸去濯足弄殘陽

慈雲嶺

峻極分南北見湖仍見江游人倦登陟飛鳥自雙雙

清軒

軒壓冰壺上風生玉宇間客來清澈骨不待看湖山

西水亭

湖添秋氣淨鳥伴夕陽沉嗚咽城笳起猶忘歸去心

山居絕句六首

曉

柴門曉初啟晴氣堆遠峰不知何處鶴踏折一枝松

夜

夜闌牕戶閉黃庭看未終西崑一聲虎四壁生清風

春

自埽松間葉冰霜一半開碧桃花未發亭待漉香醅

夏

永日琴為伴前村酒可酤松陰揀盤石赤腳踏冰壺

秋

有酒看雲飲無書寄雁回數蛩鳴敗草一葉落青苔

冬

黃昏鳥飛絕夜半猿啼切紙帳寒不眠開門數點雪

春草碧色

雪洗燒痕盡春將碧色來行人莫回首渡口夕陽催

春水綠波

春江波自綠不染木蘭舟只與岸邊草依依添客愁

送君南浦

田園有餘樂道路有餘悲留君不肯住君去欲何之  
傷如之何

漢武事遠征征夫與家別幾人衣錦還多為原上血  
蒼玉洞

片片冰崖裂淙淙雪浪深舉頭看白鷺相伴洗塵心

青山集卷二十六

欽定四庫全書薈要卷一萬五千一百十八

集部

青山集卷二十七

宋 郭祥正 撰

七言絕句

百歲王姥自云平生未嘗服藥

不服丹砂不養真老來天與健精神  
自憐五十頭垂雪始見人間百歲人

津梁方丈

轉山樓閣路相通屢得分經丈室中六入循元無重濁  
三緣故斷出樊籠

月下懷廣勝華師

下方遙憶上方僧素月青林隔幾層鐘磬聲沉香篆息  
只應詩思冷如冰

題華師院壁

邂逅營居得近僧唯師更住最高層半甌香茗浮春雪  
一飯寒蔬帶曉冰

全師惠詩

十里湖山紫翠秋  
師居獨占一巖幽  
談經已許分吾坐  
更有新詩索獻酬

次韻和孔周翰侍郎洪州絕句十首

誰知北客與春期  
乍見山桃一兩枝  
却憶洛陽行樂處  
賣花天氣晚晴時

漁船歸盡晚江空  
只有楊花冒細風  
多少春愁與春恨  
為君都付酒盃中

樓居且欲趁虛涼九月江風未變霜  
強把一樽開醉眼  
長安不見又殘陽

寸心無事自然灰不是南柯一夢迴  
水畔小樓無客到  
獨携筇杖等閑來

行行杭楊柳古牆陰  
擺盡春風綠轉深  
俯仰自能無一

事何須投迹向山林

江雲凝雨疾風過  
陣馬爭回萬疊波  
平地看時真一笑  
鵬騰鰲倒欲如何

為問荷華能白紅  
東湖遙想鑑湖同  
金龜換酒要佳客  
歸櫂須乘月下風

不到天門未肯回  
重山複嶺一時開  
仙風桂露爭飄灑  
襟袖都無世俗埃

可憐一雨洗焦枯  
卷盡浮雲日上初  
獨倚高樓聊寫望  
骨清神爽欲凌虛

東湖入望晚波平  
蒲葉圓荷各自青  
不用更尋徐孺宅  
編茅搭竹一碑亭

金陵

洗盡青春初變晴  
曉光微散淡煙橫  
謝家池上無多景  
只有黃鸝一兩聲

漁者

從來生計託魚鰕  
賣得青錢付酒家  
一醉不知波浪險  
却垂長釣入蘆花

琅琊道中

山頭臘雪未全消  
山下春泉響石橋  
方丈不知深幾許

馬行時有冷香飄

懷文忠公

平生最愛醉翁詩  
游遍琅琊想醉時  
一代風流隨手盡  
谷泉崑鳥不勝悲

日公綠蘿庵

一庵春靜綠蘿舒  
拂拂香風宴坐餘  
只恐乘雲滄海去  
未應池水老鯨魚

示秦鑒二首

憂來何物可銷除  
幸與秦鑿校局圖  
白黑勢分成勝負  
不知柯爛得歸無

門臨池水靜無風  
綠樹陰陰小徑通  
時有秦生來過我  
一枰成敗漫論功

和松長老龍井

龍蟠井底待風雷  
誰謂無功洗旱埃  
昨夜山前行雨足  
收藏頭角復歸來

再至汀州倅宅南樓二首

一歲登樓只欲歸得歸人事信難知重來跨馬三千里  
樓上春風為我悲

樓外青山似故人雨餘山色靜無塵青山依舊人還老  
一片離愁掛晚春

聞笛

何處佳人玉笛吹春風已過落梅時行雲不動殘陽下  
歡樂悲愁各自知

再登南樓懷元輿三首

欲上層樓足力微  
世情塵事老方知  
離騷一曲何人會  
空使瀟湘鬼物悲

憂患欣逢賢故人  
南樓解榻振衣塵  
赤壺頻送兵厨酒  
滿酌能回老病春

朽株難倚暖風吹  
一日萌芽亦有時  
試上高樓南北望  
無私春力少人知

書陶弘景傳後

能辭朝市隱山中  
愛種青松聽好風  
不學許由長洗耳

謬為圖識悅蕭公

桐城青山裴山人枉步見尋興盡遽歸

門外青山是我山手携筇杖只今還  
崑花落盡鴛啼懶  
紙帳孤燈夢亦閒

史充侍禁以簡問予小舟搖兀絕句戲謝

渡江乘興泊江干草觀殘花色未乾  
慣在釣魚船上住  
一簑一笠伴春寒

寺壁史侍禁畫竹

不假研磨丹與青只將墨妙奪天成始知春力無虛實  
老竹橫穿棟柱生

西軒看山懷荆公

長憶金陵數往還誦公佳句伴公閑如今不復聞公語  
獨自西軒卧看山

公見寄云且欲  
相要卧看山

雨霽看小山

一番遇雨碧生煙移得蓬瀛在枕前  
范蠡更間吾不愛  
風波搖兀釣魚舩

辨山亭

疊徑縈迂上小亭  
雲收天末數峯青  
不嫌一鳥橫空沒  
直恐纖埃點畫屏

小亭新得辨山名  
雲外峰巒畫數層  
太守引賓謀一醉  
甘瓜不用集青蠅

和敦復往池陽留別

梅花含雪豈無情  
更在城南送客行  
願得車輪迴路速  
莫教落盡去年英

弔明憲師

平雲閣  
寄隱軒

平雲寄隱盡成灰三十年間一夢迴  
言說已無形影在  
屋梁殘月送悲哀

寄留二君儀

今歲看書眼覺昏  
憶君待酒使銷魂  
臨漳姑孰五千里  
懷抱何時得再論

晚發

欲就滄浪濯煩熱  
解纜莫愁潮信歇  
陰雲映日一帆風

信道長江無六月

代刺訪歷陽孫守公素

月洗晴江秋愈清  
扁舟西渡歷陽城  
漁翁贄見無羔雁  
滿袖盈襟皆月明

代刺別孫守公素

過雲歌闕酒樽空  
離別情懷自古同  
卷取西城吟袖月  
却飛蘭櫂過江東

原武按堤雜詩五首

原武城西看杏花紛紛紅雪委黃沙何如姑孰溪頭見  
照水蒙煙小謝家

黃塵蔽日晚風高兩目昏花客思勞却憶江南漁父樂  
河魴入網采萋蒿

聖賢君相及虞唐問罪戎夷復故疆不得一軍提將印  
漫來淤地閱隄防

白駒馳隙鬢毛斑簿領紛紛世愈難安得一軍提將印  
橫行西域斬樓蘭

雲溶溶風習習桃花露點胭脂濕青春歸盡人未歸原  
武岡頭時獨立

書景德寺刑法試官題名後

刑場訖事欲分携猶有殘花戀故枝更遶庭陰行數匝  
九人重到定難期

君儀憲莆田陳紫荔乾即蔡君謨謂之老楊妃  
者二首

莆田乾荔老楊妃誰在開元得見之却憶沉香亭北畔

輕紅曾照赭黃衣

杜甫云輕紅擘荔枝

紅綃皮皺核丁香日曝風凝玉露漿不向海邊為逐客  
長安無此荔枝嘗

崇因老禪詮公携詩見訪

禪定安詳元契佛年華八十尚能詩何人斷臂來求法  
庭柏蕭蕭度歲時

安止同登王園葆光閣二首

清風吹坐冷蕭蕭更有南溪透海潮白酒一樽須酩酊

荔枝紅映碧芽蕉

海潮溪鷺絕纖塵酒浪燈花自在春醒眼莫嫌長醉客

回頭俱是幻泡身

安止食素  
不飲酒

訪林居士

門無車馬綠生苔今日軒窗為我開邂逅同為方外客  
得携筇杖等閒來

和安止登山

鬚髮鬢髮一幅巾可將身世等浮雲人間禍患無如我

物外逍遙只有君

白蓮日師北軒

家風清白世相傳  
自小能吟晚好禪  
瀟灑一軒無長物  
荔枝茶品寫遺篇

齊公長老卧雲軒二首

雲本無心師亦閒  
閒身聊卧白雲間  
白雲不減身長在  
時往香臺請供還

安詳禪定悟塵勞  
放去收來沒一毫  
門掩白雲聊畫卧

世間言說付兒曹

次韻元興十絕

睡起

睡覺紗厨酒尚醺  
老來詩句怯題春  
冥搜一夜添華髮  
不認青銅鑑裏人

種竹二首

旋斲牆根數十尋  
琅玕移種碧林林  
何須待得鸞凰食  
且欲炎天布好陰

龍角犀尖一夜長為憐剛節不須香  
它時截作鯨鰲釣  
豈止濃陰覆女牆

春歸四首

九十春光今日歸  
丁寧鶯蝶莫相疑  
明年信到梅梢早  
不似人心有改時

斷送春歸海水邊  
淡煙輕吹半晴天  
東皇若問人間事  
為報君王壽萬年

青春歸去豈無情  
分付朱明事已成  
為向殘年問消息

再吹陽律到枯莖

誰道青春去未回我疑長在黃金盃只疑花片隨流水  
蕩漾無情喚不來

答省師詩卷

手携詩卷屢相過要把青銅垢盡磨言說從來無實義  
更尋佳句欲如何

休師携茶相過二首

世情彈指旋成塵物外論交只與君試揀松陰投石坐

一盃分我建溪雲

晚風吹坐忽生涼  
旋碾新茶與客嘗  
我本無心無所證

沉煙何事結圓光

坐中香煙結成圓相  
放青黃白三色寶光

寄李伯華法曹

同異從來勢所分  
感君憐我屢過門  
西風埽盡林間瘴  
更欲相邀倒一樽

食紫萸赤鱗示王博士二首

辭家倏忽已殘年  
身世今為海上仙  
飽食紫萸香味美

不知歸路隔三千

西湖寄榻絕逢迎  
迴憶雲山似有情  
底事却忘遷謫恨  
江南無此赤鱗羹

和休師見懷二首

幽棲新卜野僧隣  
憔悴誰憐舊使君  
幸有松聲吹驟雨  
可須歌響遏行雲

細路沿崖過女牆  
壓枝黃橘旋分嘗  
林間可樂無如此  
更問常娥借月光

李伯華見過小飲二首

伴我林間倒一樽  
西湖紫翠變黃昏  
鳥還深樹魚依藻  
客散樽空亦閉門

感君飛蓋過雲林  
濁酒沽來取次斟  
冠幘欹斜傾醉耳  
水深松響洗塵心

陳老父携茶見訪因留小飲二首

有兒不娶似龐公  
香火傳家悟性空  
父子相扶俱白髮  
人間能有幾人同

憐我非辜掛網羅手携筇杖數相過一杯得伴仙翁醉  
讒喙雖長奈我何

病中寄休師三首

南漳佛子素多聞穎秀從來更出羣無量寶臺師化坐  
一盂香飯我求分

元無一物不須空寄語文殊任過從展轉形骸聊示疾  
坐分高廣頗相容

僧窗寄榻斷來車一飯供盤只野蔬癘鬼見侵寧有智

我今皮骨已無餘

所居

營居未就借僧居  
貝篆翻尋頗食蔬  
獨步青苔人散後  
旋收红柿鳥分餘

休師惠雪筍

雪竹生芽玉一簪  
北人此味豈嘗諳  
病中得食勝牛乳  
行矣阿難師勿慙

謝阮幾聖惠大蟹

感君風誼我何堪  
問遺時時過草庵  
今歲未知霜蟹美  
一餐還似到江南

酒海吾飲器也

紅浪滔天玉海春  
方壺有路可藏真  
長鯨一吸桑田變  
知是人間幾歲人

寄陳顯仁秀才二首

君家大阮最能詩  
又見麟孫出盛時  
筆力縱橫驅陣馬  
成才不患少人知

自憐破甑已無堪况復經年卧瘴巖忽得新詩慰牢落  
却疑仙露洒塵衫

君儀惠玳瑁冠犀簪并分泉守茶六餅二首

玳瑁裁冠犀作簪正宜蕭散埜人心從今頂戴拋烏帽  
一任秋霜兩鬢侵

分送泉州太守茶團團紫餅社前茅從今不復憂煩渴  
時取甘泉煮雪華

寄王丞相荆公

謝公投老宅鍾山門外江湖去復還欲買扁舟都載月  
一身和影伴公閑

荆公和答

附

且欲相要卧看山扁舟自可送君還留連城郭今如  
此知復何時伴我閑

次韻和上荆公

溝水廻環蓮子多小橋時有野禽過移船更近東坡去  
冉冉黃塵奈我何

附荊公原韻

南蕩東陂水漸多  
陌頭車馬斷經過  
鍾山未放朝雲散  
奈此黃梅細雨何

青山集卷二十七



總校官進士臣胡榮

校對官編修臣裴謙

謄錄監生臣范桐